

Ղարաբաղի հայ ժողովրդի ցանկութեան և կենսական շահերին, ինչպիսի համախօսականներ և գրաւոր խմբերատու մանդատներ տւել է նա իւր ընտրած պատգամաւորներին :

Համագումարը անընդունելի է համարում Ազրբէջանի հետ առընչութիւն ունեցող որեւէ վարչական ծրագիր և այդ ծրագրի բռնի իրականացումը կեանքի մէջ համարում է անխուսափելի պատճառ՝ ստեղծելու ազգամիջեան լուրջ խռովութիւններ ու արիւնհեղութիւններ, որի պատասխանատուութիւնը իր վրա վերցնել ո՛չ մի դէպքում չի կարող Ղարաբաղի հայութեան ճրգ համագումարը :

Այս բանաձևը դիւանի ամբողջ կազմի և 48 պատգամաւորների ստորագրութեամբ յանձնեց Շատելվորտին, որը դժգոհ ու զայրացած վերադարձաւ Բազու: Դրանից յետոյ, դր. Սուլթանովը, անդլիացիների օժանդակութեամբ սկսեց զօրքեր և զինւորական պատրաստութիւններ տեսնել, որպէսզի բռնի ուժով հնազանդեցնի զարաբաղցիներին: Մայիսի վերջերից ազրբէջանեան զօրքերը շրջապատում էին քաղաքը և ամուր դիրքեր գրաւում:

Յունիս 3-ին մայր Մաք Մեղենը իր մօտ կանչեց Ալզ. Խորհրդի նախագահ՝ Եղիշէ Իշխանեանին և անդամներ Յ.Թումեանին և Ա.Տէք-Աստուածատրեանին և ուրիշներին—7 հոգի—և ստորագրութիւն առաւ, որ այդ օրւանից այլևս քաղաքականութեամբ չպիտի զբաղեն: Նոյն օրը ազրբէջանեան զօրքերը դիրքեր գրաւեցին հայկական թաղում: Հայերի մէջ սկսեց խուճապ: Փակեցին խանութներն ու արհեստանոցները և հաւաքեցին անդլիական ներկայացուցչութեան առջև՝ պահանջելով ձեռք առնել շտապ միջոցներ, որպէսզի տեղի չունենայ արիւնհեղութիւն: Մաք Մեղենը վստահացրեց, թէ ոչինչ չի պատահի, բայց նոյն ժամին տեղեկութիւն ստացեց, որ դր.Սուլթանովը պահանջում է իրեն յանձնել վերոյիշեալ 7 գործիչներին՝ սպառնալով, հակառակ դէպքում, քաղաքը ուժակոծել թնդանօթներից: Մաք Մեղենի խորհրդով, 7 գործիչները հեռացան քաղաքից, անդլիական զինւորների հսկողութեան տակ: Սուլթանովի ուղածն էլ այդ էր:

Յաջորդ օր, յունիս 4-ին, թրքական թաղից սկսեց հրացանաձգութիւն ու յարձակում հայերի վրա: Քաղաքում գտնուող հայ ինքնապաշտպանողական խմբերը դիմեցին հակադարձակման և գրաւեցին հայկական դիրքերը, որ մի օր առաջ բռնել էին թուրքերը: Ամբողջ օր տեւեց հրացանաձգութիւնը, և քաղաքի հայ բնակչութիւնը սարեց տագնապալի ժամեր: Տեսնելով, որ ընդհարումը կարող է խորանալ, Մաք Մեղենը հրամայեց թուրքերին և հայերին վերջ տալ հրացանաձգութեան և մաքրել դիրքերը: Հայերը հնազանդեցին, և նրանց դիրքերը գրաւեցին անդլիական զինւորները: Թուրքերը դուրս չեկան իրենց դիրքերից: Թուրքերի զնդակով սպանեց անդլիական մի զինւոր և վիրաւորեց մէկ ուրիշը:

Յունիս 5-ին, անդլիական ներկայացուցչութեան և ազրբէջանեան հրամանատարութեան աչքի առջև, թուրք ու քրիւր գինւած խուժանը կոտորեց Շուշիից 2 վերստ հեռու գտնուող Ղայբալիքենդ հայկական մեծ գիւղը: Անլուր բռնութիւններ գործեցին անպաշտպան կանանց ու երեխա-